



تاریخ وادستان

جلد ۱۳۳۶

مجموعه کتب خطی
۱۳۳۶

شہسوار میدانِ بلاغت عادلہ سلطانِ حضرِ تلرینک

غزلِ متصوفانہ لری

تختکامِ قلبہ شایستہ سلطانِ کوزلرم
اسبِ عشقِ اوزرہ او صحرا ایچرم جولانِ کوزلرم
جانِ محبتِ خانہ سندن طشرہ یوقدر میلی ہیچ
بندۂ سلطانِ عشقم حکم و فرمانِ کوزلرم
عشقی او غرنده بو جانی ایسترم قربانِ اولہ
دوستایہ بن تا از لدن عہد و پیمانِ کوزلرم
ایلم نمرود نفسک فہلم وقہرندن حذر
نارده مانند ابراہیم کلستانِ کوزلرم
طالبِ دیدارِ اولانِ مردانہ محتاجدر همان
اشبو ستری فرق ایدن برکامل انسانِ کوزلرم
کفت و کوہ افسانہ لرلہ ایلم اصرارِ وقت
(عادلہ) وقت سحرده آم و افغانِ کوزلرم

ینہ مشار الیہا عادلہ سلطانِ حضرِ تلرینک

ینہ سیاحِ اولوب کنز مک دیر بومبتلا کوکلم
حجاز ایلرینی کوزلر خریب و بی نوا کوکلم
مدینہ منبع فیض و مقام وحی مولادر
حقیقت کعبہ سن آندہ طواف ایسترشہا کوکلم
دو کوبده دیدم دن یا شلر اورا بر سعادتده
اولودر کاهہ یوز سور مملک ایستر مطلقا کوکلم
ایدر ہر عاشق بی چارہ بولطفک تمناسن
یولده جان و یرمکلہ ایدر کسب صفا کوکلم

نصل اولمز جمیع یردن اشرف اول مقام پاک
 طوران آند. محمد مصطفادر پروفا کو کلم
 آکا دردلو واران ای (عادلہ) البت بولور درمان
 کہ خاک پاکیدر هپ اهل دردم نوبیا کو کلم

..

ینه مشار الیہا عادلہ سلطان حضرت تلمرینک
 فضائل آل عثمان حقنندہ

بحمد الله ازل تقدیر و حکم رب عزتدر
 معینی آل عثمانک اوسلطان رسالتدر
 خدا احسانیدر بوسلطنتله آنلرم دولت
 یجہ شکر ایتیم لم مؤمنینه اولو نعمتدر
 کیم ایتسه بونلرم صدق ایله خدمت حق ویرر اجرین
 صداقت قوللرم حقدن اولو لطف وسعادتدر
 جہانی صائمہ کیم خالی یجہ اهل صداقت وار
 همان آرزولری دولتله دینه حسن خدمتدر
 کوروب صادقلری خائن الندم صائمہ بیچارہ
 معینی حق اولان ایکی جہاندمہ پر سلامتدر
 اودر بیچارہ کیم برایکی کون عمرین ایدر ضایع
 کہ جان یاقماغه قائماز چونکہ براهل ضالاندر
 فدای جان ایدن دین اوغرینه محروم قالمز هیچ
 غزادہ ہم فراشندہ وفات ایتسه سعادتدر
 جناب عالم السرم عیاندر، پادشہ بیلمز
 منافق خائنک احوالی هپ کفران نعمتدر